

حضرة صاحب العصمة

أنا مش حرف ع الهامش
ولا أصداف رماها البحر
ده أنا حرفي ..

ينام الليل على القمره
ويهمس للسحاب فكره
ويصحي الفجر

حروف مبدوره من قلبي
والملمها بتتضح عطر
ولما تكون ف حضرتها..
تسيب الدنيا ف وجودها
وليها ولاء شرايينك..

وليها الأمر..

أنا مش كلمة..
مربوطه بخيط ملفوف
ولا بقيودي مسئوبه..



ناقصها حروف
ده نورها ع البعاد..
قمره ماليها خسوف
وشمس حروفي نعساته
ف بحر الشعر مالها كسوف
أنا قلّمي...
يهزّ مشاعر الإنسان..
ينام الليل..
بلا أفكار زارعها الخوف
وقبل الفجر ما يصحى
بأحلام الهنا يشرق
وبجماله أكيد معروف
أكيد معروف

....